

小兒



杭州圖書館藏



五臟熱

醫學綱目卷之三十七  
心主熱  
潮熱  
積熱  
溫病  
變蒸

舌白胎 鼻衄 遲言 盜汗 自汗

癰癤 腮腫 惡核瘰癧 赤丹

疥癬 眉煉 耳瘡附凍 面瘡 口

瘡 癩頭瘡 脚凍瘡 痘疹治法通論

痘出太密 痘出不快 痘痒塌

痘灰白色 痘黑陷倒靨 痘寒戰 痘

發熱 痘寒熱 痘渴 痘渴瀉 痘

瀉不渴 痘吐逆 痘腹脹 痘腹痛

痘喘 痘大便秘 痘餘毒 痘入目

痘咽痛 痘風 痘癩瘡 痘瘡痛

痘膿而不痂 痘後瘡癩 痘癰 中惡

客忤

五臟熱

肝熱手尋衣領及亂捻物瀉青丸主之 壯熱飲水喘

悶瀉白散主之壯熱者一何熱而不已也

肺熱手搖眉目日西熱甚咳嗽寒熱壯熱飲水甘桔湯主

之若肺虛熱唇深紅色輕者瀉白散重者涼膈散主之

心熱視其睡口中氣溫或合面臥及上竄搖頭咬牙皆心

熱也導赤散主之心氣熱則心胸亦然欲言不能而有就冷之意故合面睡

脾熱則目黃肚大怠嗜嗜臥身熱飲水四肢不收瀉黃散

主之 腎虛則下竄畏明地黃丸主之 頰赤由心臟邪熱上攻

也宜服導赤散

五臟面

面上證左腮為肝右腮為肺額上為心鼻為脾頰為腎

赤者熱也隨證治之 目內皆赤者心熱導赤散主之淡紅者心虛熱生犀散主之青者肝熱瀉青丸主之淺淡者補之黃者脾熱瀉黃散主之無精光者腎虛地黃丸主之

潔古云目中五色甚者瀉本臟色淺者宜補之又云白是寒小便青四逆湯黃赤是熱承氣湯瀉本臟青是腹痛捻頭散主之桂枝

表裏

小兒脈沉而數者骨間有熱欲以腹按冷清也

身熱不飲水者熱在外身熱飲水者熱在內

海四順飲子治熱在內而不厥 連翹散治熱在外而不

厥

小兒發熱手足伏熱痰熱必用吐法輕劑苦參赤小豈末重劑瓜蒂散淡齋汁調服之如不吐用錫翎探之

虛熱

朱監簿子五歲忽發熱醫曰此心熱也頤赤而唇紅煩燥引飲遂用牛黃丸三服以一物瀉心湯下之來日不愈

八醫學綱目卷三十一

二

反加無力而不能食又下之便利黃沫錢曰心經虛而有留熱在內必被涼藥下之致此虛勞之病也錢先用白朮散生胃中津液次以生犀散治之朱曰大便黃沫如何曰胃氣正即瀉自止虛熱也朱曰醫用瀉心湯如何錢曰瀉心湯者黃連一物耳黃連性寒多服則利能寒脾胃也坐久衆醫至皆曰實熱錢曰虛熱若實熱何以瀉心湯下之不安又加面黃頰赤五心煩躁不食而引飲醫曰既虛熱何大便黃沫錢笑曰便黃沫者服瀉心湯多故也錢與胡黃連丸治愈 鄭人齊郎中者家好收藥散施其子忽臟熱齊自取青金膏三服并一服餌之服畢至三更瀉五行其子困睡齊言子睡多驚又與青金膏一服又瀉三行加口乾身熱齊言尚有微熱未盡又與青金膏其妻曰用藥十餘行未安莫生他病否召錢氏至曰已成虛羸先用前

白朮散時時服之後服香薷九十三日愈香瓜九卽香瓜散方見自汗條

風熱邪熱四君子湯加生薑荊芥煎

小兒客熱在內不思乳食先用導赤散次用益黃散

實熱在內者四順飲之類在上者吐之方見表裏條

小兒熱病六乙散妙藥也

食傷胃熱薑蒸

白朮兩一 半夏 黃連各半兩

加平胃散粥食後白湯下

驚熱 不治小兒驚熱

全蝎 天南星取心為末一錢 人參三錢

蛇蛻三錢

右為末薄奇蜜湯調下

風溫熱壯熱相似 潮熱時間發熱過時即止來日依

八醫學綱目卷三七 三

時又熱此欲發驚候也

壯熱者一向熱而不已甚則發驚癩也

風溫者身不熱而口中氣熱又有風溫症者但溫而不熱

傷寒熱口熱呵欠頓悶項急治見傷寒部

痘疹熱痘瘡熱噴嚏悸動耳尖冷治見痘疹部

變蒸熱變蒸熱唇上白泡珠起耳冷治不必

疳熱面黃喫炭土羸瘦鼻下赤爛治見疳部

驚風熱發搐怪癩脈數煩躁顛叫恍惚治見急驚部

帝曰乳子而病熱脈懸小者何如岐伯曰手足溫則生

寒則死通評虛實論甲乙經謂婦人乳子者

熱證疎利或解化後無虛證勿溫補熱必隨生

潮熱

熱有作止每日應時而發也

實熱

驚熱

潮熱

壯熱

風溫熱

傷寒熱

痘疹熱

變蒸熱

疳熱

驚熱

診

忌

虛熱

地骨皮散治虛熱潮作亦治傷寒壯熱及餘熱

知母

甘草炙

半夏洗七

銀柴胡去蘆

人參

地骨皮

赤茯苓

已上各等分

如有驚熱

加蟬蛻天麻黃芩若加藜蘆名藜蘆飲子

右為細末每服二錢生薑三片水煎食後溫服量大小

加減海藏云地骨皮散即小柴胡湯加減法自汗者地骨皮散無汗者非胡湯三黃湯仲景所用錢氏改

並出古法

生犀角散治症同前

生犀角挫末地骨皮

赤芍藥

柴胡

葛根

各一兩

甘草

炙半兩

右為釐末每服一二錢水煎食後溫服

海藏云生犀角湯即犀角地黃湯

加減法此少陽陽明相合也

犀角散治小兒骨蒸肌瘦頰赤口乾晚潮熱夜有盜汗

醫學綱目卷三

四

五心煩躁四肢困倦飲食雖多不生肌肉

犀角末

地骨皮

麥門冬

枳殼炒

大黃蒸

柴胡

茯苓

赤芍藥

黃芪

桑白皮

人參

鱘甲

醋塗炙各等分

右為釐末每二錢入青蒿少許水煎量兒大小加減一

鍾煎八分食後溫服

小兒潮熱盜汗胡黃連柴胡等為細末煉蜜丸芡實大

每二九酒化開入少水煎小沸服

朱監簿子五歲夜發熱曉即如故眾醫有作傷寒治者

有作熱治者以涼藥解之不愈其候多涎而喜睡他醫以

鐵粉丸下涎其病益甚至五日大引飲錢曰不可下之乃

-5 240 35 875" data-label="Text">

取白朮散一兩煎藥汁三升使任意取足服朱生曰飲多

-45 240 75 875" data-label="Text">

不作瀉否錢曰無生水不作瀉縱多不足怪也但不可下

耳朱生曰先治何病錢曰止瀉治痰退熱清神皆此藥也  
至晚服盡錢視日更可服三升又煎白朮散三升服盡得  
稍愈第三日又服白朮散三升其子不渴無涎又投阿膠  
散二服而安

秦芫散治潮熱減食蒸瘦

秦芫

切焙

甘草

各一兩

薄荷葉

切焙

右為

右為窰末每服二錢水一鍾煎八分食後溫服

實熱

風寒

潮熱有時胸滿短氣者桃枝丸見小兒積熱

風痰熱晚熱早涼喫水無時此候乃痰作潮而生風熱

即宜金星丸下之或氣弱者不可下宜奪命散以控下涎

次服惺惺散加南星白附子

奪命散方見驚風門惺惺散方見痘疹門

金星丸治風熱結聚喉內痰鳴喘麤咳嗽面紅腫咽膈

壅塞發熱狂躁多渴

入醫學編卷三七

五

鬱金末

雄黃

方研各膩粉分

巴菝

七枚去油

宿食

右為末米醋糊丸麻子大薄苛臈茶下

脈經云小腸有宿食常暮發熱明日復止此宿食夜熱也

海藏云夜熱屬陰四順飲之類此血熱在夜也

積熱

久熱也疢熱亦久但兼面黃喫炭土鼻下爛也

表裡虛

小兒積熱者表裏俱熱遍身皆熱頰赤口乾小便赤大

便焦黃先以四順清涼飲子利動臟腑則熱去既去復熱

者內熱已解而表熱未解也當用惺惺散紅綿散加麻黃

微發汗表熱乃去表熱去後又發熱者何也世醫到此盡

不能曉或再用涼藥或再解表或以謂不可醫誤致天傷

者甚多此表裏俱虛氣不歸元而陽浮於外所以再發熱

非熱證也只用六神散入粳米煎和其胃氣則收陽歸內

身體便涼熱重者用銀白散

清涼飲子每服二錢薄荷三錢同煎方見治寒熱法 惺惺散方見

紅綿散

後表熱未解有汗之

白殭蚕炒二兩 天麻生用一兩 天南星切薄片油浸黃二兩

蘇木節另研二兩半

右為末每服一錢水一小盞入紅綿少許同煎至六分  
溫服凡小兒風熱頭目不清並宜服之若傷寒有表證  
發熱者每服入去節麻黃末五分有裏熱心燥渴者入  
滑石末半錢同煎服之

六神散

斤後氣不喘元有和之

人參 白茯苓 乾山藥 白朮

白匾豆 甘草炙各等分

大醫學綱目卷三十一

木

右為末每服一大錢水一小盞煎一枚薑二片同煎至  
五分服此藥用處甚多治胃冷加附子治風症加天麻  
治痢加鴛粟殼

銀白散

乾山藥 白朮 白茯苓各半兩 人參

白匾豆 知母 甘草炙 升麻各等分

右為末每服一大錢水一小盞煎一枚生薑二片同煎  
溫服不拘時候

桃枝丸取積熱及結胸又名桃符丸

巴豆霜 大黃 黃栢各一錢 輕粉

硃砂各半錢

胸滿短氣者下

右細末麪糊丸粟米大煎桃枝湯下一晷兒五七丸五  
七歲二三九未晷兒二三九臨臥服

煩煩者  
世之

梔豉飲子治小兒畜熱在中身熱狂躁昏迷不食

梔子仁枚 豆豉碎

右用水三盞煎至二盞看多少服之無時或吐不吐立效

### 變蒸熱

診治

變蒸者陰陽水火蒸於血氣而使形體成就是五臟之變氣而七情之所由生也蓋兒生之日至三十二日一變每變蒸畢卽覺性情有異於前何者長生臟腑意智故也何謂三十二日長骨添精神人有三百六十五骨以象天數以應期歲以分十二經絡故初生至三十二日一變生癸屬足少陰腎藏精與志六十四日二變一蒸生壬屬足太陽膀胱其發耳與聒冷至九十六日三變生丁屬手少陰心經心藏神其性爲喜一百二十八日四變二蒸生丙屬

醫學綱目卷三

七

手太陽少腸其發汗出而微驚一百六十日五變生乙屬足厥陰肝肝藏魂喜哭一百九十二日六變三蒸生甲屬足少陽膽其發目不閉而赤二百二十四日七變生辛屬手太陽肺肺藏魄生聲二百五十六日八變四蒸生庚屬手陽明大腸其發膚熱而汗或不汗二百八十八日九變生巳屬足太陰脾脾藏意智至三百二十日十變五蒸生戊屬足陽明胃其發不食腸痛而吐乳又手厥陰心包經手少陽三焦此二經俱無形狀故不變而不蒸也前十變五蒸乃天地之數以生成之然後始生齒能言知喜怒故云始全也太倉云氣入四肢長碎骨於十變後六十四日爲一大蒸計三百八十四日長其經脈手足手受血故能持握足受血故能行立經云變且蒸謂蒸畢而足一歲之日有餘也師曰不汗而熱者發其汗大吐者微止不可別



治又六十四日爲二大蒸計四百四十八日又六十四日  
三大蒸計五百一十二日共五百七十六日變蒸既畢兒  
乃成人也變者變生五臟也蒸者蒸養六腑也所以成人  
變者上氣蒸者體熱每經一變一蒸情能既異輕則發熱  
微汗其狀似驚重則壯熱脈亂而數或吐或汗或煩啼躁  
渴輕者五日解重者七八日解其候與傷寒相似亦有變  
蒸之餘續感寒邪者但變蒸則耳冷骭冷上唇發泡狀如  
泡珠若寒邪搏之則寒熱交爭腹中作痛而啼叫之聲日  
夜不絕變者易也蒸於肝則目眩微赤蒸於肺則噎嗽毛  
聳凡五臟六腑筋脈骨節循環各有證應其治法和平之  
劑微表之熱實者微利之或不治亦自愈

湯千金變蒸論云凡兒生三十二日一變六十四日再變  
變且蒸九十六日三變一百二十八日四變變且蒸一百

六十日五變一百九十二日六變變且蒸二百二十四日  
十變二百五十六日八變變且蒸二百八十八日九變三  
百二十日十變變且蒸積三百二十日小蒸畢後六十四  
日大蒸蒸後六十四日復大蒸蒸後一百二十八日復大  
蒸凡小兒自生三十二日一變再變爲一蒸凡十變而五  
小蒸又三大蒸積五百七十六日大小蒸都畢乃成人小  
兒所以變蒸者是榮其血脈改其五臟故一變竟轍覺情  
態有異其變蒸之候變者上氣蒸者體熱變蒸有輕重其  
輕者體熱而微驚耳冷尻冷上唇頭白泡起如魚目珠子  
微汗出重者體壯熱而脈亂或汗或不汗不欲食食輒吐  
現目白睛微赤黑精微白又云目白者重赤黑者微變蒸  
畢自精明矣此其證也單變小微兼蒸小劇凡蒸平者五  
日而衰遠者十日而衰先期五日後期五日爲十日之中

味寒藥  
多刺

熱乃除耳或違日數不歇切不可妄治及灸刺海藏云言  
變蒸通一

熱久不  
解者下  
之

十八次蓋前三百二十日為十小蒸後二百五  
十六日為十大蒸也兜平典切不咽而吐也

若身熱耳熱尻亦熱此乃他病可作別治  
紫霜丸治小兒變蒸發熱不解并挾傷寒溫壯熱汗後熱  
不渴及腹中有痰癖哺乳不進乳則吐呢食癩先寒後熱

者

代赭石醋碎赤石脂兩 巴豆三十粒  
去油 杏仁五十箇  
去皮尖

右先將杏仁巴霜細研為膏却入二石相和更搗一二  
千杵當自相得若硬入少蜜同杵之密器中收三十日  
兒服如麻子大一粒與少乳汁令下食頃後與少乳勿  
令多至日中當小下除熱若未全除明日更與一粒百  
日兒服如小豷大一粒以此准定增減紫霜丸無所不  
治雖下亦不虛人

醫學綱目卷三

九

心痛

心痛當於大人心痛門參用之

診治

心痛吐水者垂痛 心痛不吐水者冷心痛

靈礬散治小兒垂咬心痛欲絕

五靈脂錢 白礬火飛  
半錢

右同研每服一二錢水一鍾煎至五分溫服無時當吐

出虫

弄舌

脾熱

弄舌脾藏微熱令舌絡微緊時時舒舌勿用冷藥及

下之當少與瀉黃散漸服之田氏云若肥實者  
用牛黃散治之 或欲飲

水醫疑為熱用冷藥下之者非也飲水者脾胃津液少故

也又加面黃肌瘦五心煩熱即為疳宜加胡黃連輩 若

大病未已用藥弄舌者凶

重舌

診治

重舌附舌下近舌根生形如舌而小謂之重舌其着舌下如此者名重舌其着頰裏及上腭如此者名重腭其着齒斷上如此者名重斷皆刺之去血可也

熬痰

重舌治法用苦竹瀝漬黃栢末點舌上如不愈後用真蒲黃傳之不過三次愈用真蒲黃微炒舂鋪地上出火氣後之按羅診藥

刻治小兒重舌馬牙硝塗舌下日三度

治小兒重舌木舌先用新水揉口并舌上下後用皂角針燒灰入腦子少許每用半字糝舌上下出涎立效

雜方

治小兒重舌燒烏賊魚骨細研和鷄子黃傳喉及舌

簡治小兒重舌欲死亂髮灰細研以半錢傳舌下日不住

不醫學綱卷三十一

十一

用之

重舌素白皮煑汁塗乳飲之 祕錄又以蜣螂燒末唾

傳之

木舌

湯木舌者舌腫漸大滿口不急治即塞殺人

煎

木舌治法用局方中紫雪一分竹瀝半合和之時時抹入口中自消

小兒木舌百草霜滑石芒硝為末酒調傳

舌白胎

雜方

舌上生如粥粒桑白皮汁傳之三兩次妙

鼻疔

血熱

地黃湯治榮中熱及肺壅鼻血生瘡一切丹毒

生地

赤芍藥

當歸

川芎各等

難方

右咬咀水煎去香量大小加減服如鼻衄臨熟入生蒲黃少許生瘡加黃芪等分丹毒加防風等分同煎累驗  
春冬衄者用生地黃研取汁加生蒲黃少許砂糖并花水  
浸服之愈 秋夏衄者用車前草一握洗淨同生薑二處  
研取汁入生蜜一匙先拌查寒真次用新汲水和蜜并車  
前草生薑汁飲之即愈 又方生蘿蔔取根搗自然汁仰  
頭滴入鼻管中即止次以新汲水和蜜蘿蔔汁飲之良

遲言

虛

葶藶丸治小兒心氣不足五六歲不能言

石音蒲三

人參五

丹參三

天麥門冬心

兩

赤石脂二

直指有當歸川芎硃砂

右為細末煉蜜丸如菉豆大温水下十九至二十九日  
二三服久服效又有病後腎虛不語宜兼服六味地黃

八醫學綱目卷三十一

十一

九海藏云地黃丸足少陰

雞頭丸治小兒諸病後不能語

雄雞頭

鳴蟬

大黃

甘草

當歸三

不通

黃芪

川芎

遠志心

麥門冬

右同為細末煉蜜丸如小菉豆大平日米飲下五九空

心日三四服兒大者加之久服取效雞蟬二物宜求死

者用之不可旋殺孫真人所謂殺生求生去生更遠矣

海百舌鳥今之鶯也名反舌主小兒不語炙食之又治重

咬

腎怯失音相似病吐瀉及大病後雖有聲而不能語此

非失音為腎怯不能上接於陽故也當補腎地黃丸主之

失音乃瘖病耳 口噤不止則失音聲遲亦同

針灸

明五六歲不語者 心膈壯

盜汗

錢黃芪散治虛熱盜汗

牡礪煨

黃芪

生地各等分

右為末煎服不拘時

盜汗睡而自汗出肌肉虛也止汗散主之遍身汗香瓜丸主之

止汗散用故蒲扇灰研細每服三錢溫酒調下無時如無以故蒲代之

實熱

虎杖散治實熱盜汗虎杖水煎服量多少與之無時

海晉郎中子自嬰至童盜汗凡七年矣諸藥不效予與涼膈散三黃丸三日病已蓋腎為五液化為五濕相火逼腎腎水上行乘心之虛而入手少陰心火炎上而入肺欺其

本草綱目卷三七

主

雜方

不勝已也皮毛以是而開腠理玄府不閉而為汗出也出於睡中者為盜汗以其覺則無之故經曰寢汗憎風是也先以涼膈散瀉胸中相火相火退次以三黃丸瀉心火以助陰則腎水還本臟玄府閉而汗為之自已

世治小兒盜汗用鬱金末塗兩乳下立效

上卡

自汗

錢治病有等 張氏三子病大者汗遍身次者上至頂下至胸小者但額有汗衆醫以麥煎散治之不效錢曰大者與香瓜丸次者與益脾散小者與石膏湯各五日而愈

遍身汗

香瓜丸

胡黃連

大黃瓜黃色者一箇

大黃瀉下帶畏燥

柴胡去蘆

鱉甲醋炙 黃栢

黃連

蘆薈

青皮各等分

右除黃瓜外同為細末將黃瓜剖其頭填入諸藥至滿  
却蓋口用杖子插定火內煨熟將黃瓜及藥同用麩糊  
丸如菉豆大每服二三丸食後冷漿或新水下大者五  
七丸不過十九

中部汗

頭汗

胃怯汗上至頂下至臍此胃虛當補胃益黃散主之  
鱖六陽虛汗上至頂不過胸也不須治之 喜汗厚衣臥  
而額汗出也止汗散主之

癰癤

表散

湯凡瘡癰未見之初微見有紅頭瘰子起隱疹者急用不  
語唾夜半頻頻塗之飲酒了不可用

治發背癰癤方

羌活兩

川山甲炒焦 兩 生人骨煨存性 兩

麝香許少

八 醫學綱目卷三十一

三

右末煎麻黃薄荷酒調如陰瘡頭平向內者服之即突  
出其功效不可盡述若小兒痘瘡黑陷者只一服而起  
萬不失一

腮腫

表

本治小兒毒氣攻腮赤腫可畏者

皂角二枚 天南星生用 錢

糯米合

右為細末薑汁調塗立效

惡核瘰癧

除本

湯小兒惡核生於項頸上遇風寒所折不消結成瘰癧久  
而潰膿生瘡也宜服四味大黃飲即四順清涼 飲子提也

瘰癧又方

升麻

射干

連翹

犀角屑

大黃微

朴硝各半 兩

治癩疥  
表

右吹咀水煎大小加減忌酒麪炙燥物

貼惡核方

赤小豆

猪牙皂角 硝石

黃藥

木鼈子

各半兩

右末雞子清調塗患處

貼散凍瘡神效方

白膠香

降真香 用心無土氣者

海螵蛸

右等分為末糝患處外以水帛掩之一夜而退

赤丹

赤遊治法宜服犀角散一法先鑷去惡血服上藥 犀角散方

見潮熱

風熱

小兒丹毒乃熱毒之氣極與血相搏而風乘之故赤腫及游走遍身者又名赤遊風入腎入腹則殺人大抵丹

入醫學綱目卷三七

十四

毒雖有各種病源一也有赤丹毒遍身痒者或女子十五六而脈未通者多發丹疹皆由血有風毒乘之宜服防已散

漢防已

半兩

朴硝

犀角

黃芩

黃芪

升麻 各乙分

右吹咀竹葉煎大小加減

小兒黑斑紅斑瘡痒癩疹並用防風通聖散治之

荆芥散

吹風

天花粉

羌活

生地黃

當歸

蟬蛻 各等分

水煎服

解毒散

寒水石

滑石

石膏

辰砂

右三石寺分為末入辰砂少許量見大小燈心湯下

又方

赤小豆

木鼈子

橡料子

南星

大黃

朴硝

右為末用慈姑薄荷靛青和蜜水調塗患處外用雄黃  
圍之却服荆芥解毒二散

聖小兒發斑散毒氣用生葵菜葉絞取汁少少與服之

敷貼正治法

千治小兒丹發慎火草生一握搗取汁傳之效

秘傳治小兒赤遊丹行於上下至心即死搗芭蕉根汁煎

塗之

兵部治孩子赤丹不止以胡荽汁傳瘥

秘錄小兒赤遊行於體上下至心即死以芒硝納湯中取

濃汁以拭丹上

錢丹瘤熱毒氣客於腠理搏於血氣發於外皮上赤如丹

醫學綱目卷三十

五

當以白玉散塗之

白玉粉乙分滑石

寒水石兩半

右末之用米醋或新水調塗

山火丹磨銅鐵水調廁上泥傳之小兒赤遊風用朝南

燕巢泥雞子清調傳將腫處用針割破鮮魚血塗之尤妙

敷貼正治法

油傳之小兒天火丹臍腰起者赤溜不妨用蚯蚓泥炒研細香

油傳之

田又法用牛膝一兩去苗甘草半兩生剉碎水煎一大盞

去查調伏龍肝塗之

山小兒赤丹伏龍肝為末芭蕉油調傳又方用雉雞毛

及鷲毛燒灰香油調傳

湯又傳丹毒方只一夜消盡用花蕊石生薑薄荷自然汁

調鷲毛刷上患處為妙



虛

張三太尉女十五歲病此諸醫百藥俱試而不能中召予視之以生料四物湯加防風黃芩一日而愈生料四物湯治血熱生瘡遍身腫痒及脾胃常弱不禁大黃等冷藥尤宜服之

生地

赤芍藥

川芎

當歸

防風各半

黃芩一錢

右咬咀水煎量大小加減忌酒麪猪羊肉豆腐

雜方

小兒赤溜主傷血熱宜生地黃木通荆芥苦藥帶發表之類外以芭蕉油塗患處

立愈 丹痒者用韭菜揆此益與香油以手摩熱於丹上措之

效 小兒丹瘤車麻子五箇去皮研入麪一匙水調塗之甚

醫學綱目卷五

去

十種丹法

本小兒十種丹瘤腫毒所起形候并方治法

一飛竈丹從頂頭起先腫用蔥白研取自然汁塗

二古竈丹從頭上紅腫痛用赤小豷末雞子清調塗譚氏方同不拘何處皆治

三鬼火丹從面赤赤腫用灶心土雞子清調塗按不拘何處皆治妙

四天火丹從背起赤點用桑白皮末羊脂調塗

五天灶丹從兩腎赤腫黃色用柳葉燒灰水調塗腎一作脣

六水丹從兩脇虛腫用生鐵屑為末猪糞調塗

七胡火丹從臍上起黃腫用檳榔為末米醋調塗

八野火丹從兩脚赤腫用乳香末羊脂調塗

九烟火丹從兩脚有赤白點用猪槽下土麻油調塗

十胡漏丹從陰上起黃腫用屋漏處土羊脂調塗

右此十種丹毒變易非輕治之或緩則終不救故予不

洗法

惜是方能逐一仔細辨認依此方法治之萬不失一如經三日不治攻入臟腑則終不救不可緩也

赤遊風於身上下至心即死新舊煎汁洗之子母秘錄藥也

診

百日内發必死不治

疥癬

虛羸

小兒經絡蘊熱頭面及身體生瘡四君子加瓜蒌根桔

梗各半錢煎服

洗法

小兒惡瘡天氣溫和頻與澡洗更衣名曰外宣亦不宜服藥小兒不得已而服藥此乃下法若將養合宜何疾可侵更令乳哺有節勿令過飽其身乃如藥樹此養生之理也

惡瘡方頻浴身安外宣無病

醫學綱目卷三

七

春用柳條荆芥 夏用東葉槐枝 秋冬用苦參

煎湯洗

敷藥

傅瘡藥方

剪刀草

黃連

苦參

右等分為末先洗淨次用麻油輕粉調傅

田瘡癬治法浸淫瘡宜用苦瓠散塗之乾癬宜用羊蹄根絞自然汁調膩粉塗之濕癬宜用青金散貼之

苦瓠散治小兒浸淫瘡漸展不止

苦瓠二兩

蛇蛻皮燒灰 蜂房微炒

梁上塵合

右為細末生油調塗攤帛上貼

青金散治小兒濕癬浸淫瘡

白膠香研

輕粉半

青黛二錢

右研為細末乾糝瘡上

治小兒風癩不止白礬十二分煖熱酒投化用馬尾

蘸酒塗之

小兒頭面爛瘡木耳春細蜜調傳又冷水調平胃散傳俱乾則易之

眉煉

眉煉治法用青金散傳之如不愈燒小麥存性研細好油調塗

耳瘡耳凍瘡

雜方

小兒耳後月蝕瘡蚯蚓糞燒以猪油和傳之 耳上生瘡竹葉燒末猪脂傳之妙

楊氏以雞子白和傳立瘥 耳月蝕方胡粉和上傳之

耳後月蝕黃連末傳之安

湯白蠟散治小兒凍耳成瘡或痒或痛

黃栢

白蠟各半

兩

大醫學綱目卷之三

大

右為末先以湯洗瘡後用生油調塗

面瘡

治小兒面瘡通面爛無全膚膿水流滴百藥不效者陳年臙猪油不入塩者傳之神效

口瘡

塗頤門法

如聖散治小兒口瘡不能喫乳者江子一粒或二粒研爛不去油入硃砂黃丹傳紙絹上少許剝開小兒頤門貼在頤上如四邊起粟米泡便用溫水洗去藥恐成瘡更用葛蒲水洗便安其效如神

塗脚心法

南星膏治口瘡小兒難用藥以天南星去皮取中心龍眼大為末却用酸醋調塗脚心甚妙

治小兒口瘡飲乳不得以白礬如鷄子大置醋中塗兒

足底二七次即愈

正治法

無牡礪散治小兒口瘡

牡礪煨通紅取出候冷研細以帛裹入土中七日出火氣三錢

甘草炙為末一錢

右和勻時時挑少許糝口中或吐皆無害

田口瘡治法乳母同兒宜服洗心散瀉心湯然後用黃柏

末研細糝之瀉心湯方黃連一味為末蜜水調不可煎

湯治口瘡驗方

黃柏蜜炙赤半兩 青黛一分

右二件為末頻糝口內愈

從治法

口瘡服涼藥不愈者此中焦氣不足虛火泛上宜附子理中湯

癩頭瘡

上熱正治

世治久癩頭用黃連細末傳之 治年久癩頭內用苦參九食後服之外用苦參末油傳之二月愈

又方用防風通聖散酒製除大黃另研為末再用酒拌

天醫學綱目卷五

九

晒乾為末每一錢水煎服日四五服至三十貼見效

又方

川芎

片苓酒

芍藥酒

陳皮各半兩

白朮酒

當歸酒各一兩

天麻酒

蒼耳七錢半

黃柏酒

粉草酒

防風各三錢

右咬咀煎服四五次服之服過睡片時

反治

小兒癩頭用燒紅炭燂長流水令熱洗之仍用芫荽子煎

豬脂去子用脂傳患處 又法用胡荽子伏龍肝懸龍尾

黃連白礬為末油調傳

頭瘡方

豬油一錢半生半熟 雄黃

水銀各二錢半

右研和勻傳瘡上

又方治小兒癩頭并身癩等證用松皮燒灰白膠香枯槲

大黃黃栢油調傳患處 又方用臘月馬脂油搽患處極妙

籩頭瘡大笋殼燒為灰量瘡大小用灰調生油傳又加膩粉佳

秘錄小兒頭身諸瘡燒雞卵殼和猪脂傳之

世治癩頭

松香一兩乾銚溶開安在石上候冷取起輕輕研細 黑龍尾三錢即厘

鹿垂掛者 白芷兩半 松樹皮燒灰二錢 水銀二錢

黃丹三錢 雄黃 白礬各二錢

右為末以血餘入香油煎爛調傳患處

脚凍瘡

湯生附散治爛脚瘡用生附子為末麪水調傳之愈

痘瘡治法通論

不醫字編卷三

手

大法

錢瘡疹惟用溫平藥治之不可妄下及妄攻發受風冷人鼠粘子湯煥潔古解毒防風湯相兼選用是也丹溪云鼠粘子連翹山查甘草此四味痘疹始終必用之藥

錢診睦親宮中十大王瘡疹云瘡疹始終出未有他證不可下但當用平和藥頓與乳食不受風冷可也如瘡疹三

日不出或出不快即微發之鼠粘子湯之類如瘡發後不多出即

加藥即如一日一貼加藥不出即大發之升麻葛根防風羌活獨活麻黃桂枝

類如發後不多及脈平無証即瘡木稀不可更發也有大

熱者當利小便小熱者當解毒利小便四聖散之類若不快勿發勿

下攻止用抱龍丸治之瘡疹若起能食者大黃丸下一二

行即止有大熱者當利小便有小熱者宜解毒若黑紫乾

陷者百祥丸下之不黑者慎勿下身熱煩躁腹滿而喘大

小便澁面赤闕亂大吐此當利小便不瘡者宜風散下之

也若五七日癩不焦是內發熱氣蒸於皮中故瘡不得焦  
癩也宜宣風散導之用生犀角磨汗解之使熱不生必着  
痂矣

潔古海  
藏宗錄  
氏法

論曰癩疹之病其為證各異瘡發焮腫於外屬少陽三  
焦相火也謂之癩小紅靨行皮膚中不出者屬少陽君火  
也謂之疹凡顯癩疹若自吐瀉者不可妄治而多吉謂邪  
氣上下皆出也大凡癩疹首尾皆不可下恐動則生變此  
謂少陽通表宜和之也當先安裏解毒次微發之解毒須  
安五臟防風湯是也如大便不秘者須微發之藥宜錢氏  
方中選而用之如大便過秘宜微利之當歸丸惠變百祥  
丸是也初知癩疹若使之併出小兒難禁是以別生他症  
也首尾不可下者首曰上焦尾曰下焦若既吐利安可下  
便宜安裏若不吐瀉者先與安裏藥三五服如能食而大

醫學綱目卷五

主

便秘結內實者宜疎利之若內虛而利者宜用安裏藥一  
二服末後一服調以微發之藥要之安裏之藥多發表之  
藥少秘則微疎之令邪氣勿壅併而能作番次出使兒易  
禁也身溫者順身涼者逆正者宜多服防風湯和之  
安裏解毒防風湯

防風

兩

地骨皮

黃芪

芍藥

荆芥

枳殼

鼠粘子各等分

右為末水煎四五錢服若能食而大便實宜當歸丸微  
利之

當歸丸

惠變百祥丸二方並見痘  
瘡大便秘門

大癩之為病皆由子在母腹中時浸漬食母血穢蘊而  
成毒皆太陰濕土壅滯君相二火之所作也因小兒真氣  
既盛正氣又旺邪無所容或遇天寒感傷表或因傷暑瘵

由是而出焉治當何如外者外治內者內治中外皆和其  
癰自出至於惡寒者發之表大熱者奪之渴者清之大便  
秘結者下之小便不通者利之驚者安之泄者分之可以  
執一為哉大抵傷寒同治隨經用藥最為高論假令五日  
已裏諸病與癰疹不能別辨者不可疑作癰疹必須發之  
但各從其所傷應見治之皆不妨癰出若強發之其變不  
可勝數矣前人言首尾俱不可下者為癰未顯于表下則  
邪氣不得伸越此脈證有表而無裏故禁首不可下也尾  
不可下者為癰毒已顯於外內無根帶大便不實無一切  
裏證下之則癰氣逆陷故禁尾不可下也又言溫煖蓋覆  
不令通風以癰跡或身表涼而惡寒或天令寒而惡冷溫  
煖蓋覆不令通風也癰若已出身熱天暄何必用蓋覆而  
不使之通風乎後人執此二句首尾俱不敢下溫煖不令

通風不知天令之所加人身之所盛致使候人多矣大抵  
前人之言隨時應變後之人不知其變故常執而不移也  
噫首尾俱不可下者以其始終臟腑元無凝滯也若有一  
切裏證及大便結者安得不下溫煖不使之通風以其發  
在冬時故如此也若發在夏時癰雖未出亦不用此也癰  
之用藥大率以脈為主浮中沉之診平舉按之候察其虛  
實定其中外則可以萬全矣

如外傷升麻湯主之

方見本門

內傷枳實丸主之

大便裏

者枳木丸主之

若傷冷者溫之神應丸

九內傷俱見

惡

寒者發之宜防風蒼朮湯

方見本門前條

表大熱者奪之此表

者通言三陽也夫陽盛者氣必上行言奪者治之不令上行也是知無三陽表證有三陽裏證染於有形也此言表  
總三陽之名也 渴者清之大渴者白虎湯暑月用之 小渴

若涼膈散涼膈散去硝黃 大便秘結者下之桃仁承氣

湯四順飲子柴胡飲子選用察其在氣在血必內實能食

而秘者可用但當微微潤之 小便不通者利之導赤散

入正散之類當求上下二焦何經而用之 驚者安之涼

驚丸重者瀉之瀉青丸 泄者分之寒則異功散四君子

湯熱則澤瀉茯苓湯

小兒癍疹初發未能辨認間但求所出之由因內因外及

不因外內隨其所傷如法服餌防其變故抑其盛氣比之

他證尤不可緩或發或瀉或解其肌或化其毒求其所起

之由涼血清肺調其臟腑平其飲食謹其禁忌嚴其養攝

適其寒溫將理有法俾盡其道使出無不快之經成無不

痲之潰既愈之後不致遊毒流汗虛腠目疾膜醫瘡癩癩

瘰喉閉隘腫潮熱汗泄此治癰之大畧也 凡未出而發

搖者是外感風寒之邪內發心熱之所作也當用茶粉下

解毒丸犀角地黃湯主之 一發出便密如針頭形勢重

者合輕其表而涼其內連翹升麻湯 若癍已發密重微

喘飲水者有熱證用去風藥微下之 若出不快清便自

調知其不在表不在裏當微發升麻葛根湯 若青乾黑陷

身不大執大小便澀則是熱在內煎大黃湯下宜風散

若身表大熱者表證未罷不可下 若癍已出見小熱小

便不利當以八正散利之 若已發後有餘毒未散復有

身熱瘡腫之類當茶粉下解毒丸 凡瘡疹已出後有聲

音者乃形病而氣不病也 瘡疹未出先聲音不出者乃

形不病而氣病也 若瘡疹出而聲音不出者是形氣俱

病也當清其肺氣宜用八風湯并涼膈散去硝黃亦可

丹溪分  
氣血虛

小兒痘疹分氣血虛實以四君子四物酒炒芩連等服



之

氣虛參朮加解毒藥 血虛四物加解毒藥

右加解毒者酒炒黃芩炒黃連是也海藏云解毒者三黃湯金花丸之類

痘瘡分人之清濁就形氣上取勇怯 痘瘡黑屬血熱涼血為主白屬氣虛補氣為主中黑陷而外白色起遲者則補氣中畧帶涼血藥

陳氏惟主溫補

痘瘡未出已出之間或瀉渴或腹脹或氣促謂之裏虛速與十一味木香散治之 如已出之間其瘡不光澤不起發根窠不紅謂之表虛速與十二味異功散治之 如

已出之間其瘡不光澤不起發根窠不紅或瀉渴或腹脹或氣促是表裏俱虛也連與十二味異功散送下七味肉荳蔻丸治之 丹溪云木香異功散二藥治寒的當若虛而不寒者兩不旋踵 如瘡始出

醫學綱目卷三

音

一日至十日渾身壯熱大便黃是表裏俱實也其瘡必光澤必起發必飽滿必易靨而不致損傷若無他疾不宜服藥 表裏俱實者易出易靨表裏俱虛者易出難靨表虛難出裏虛難靨隨症治之

張翼之治痘要法吐瀉少食為裏虛陷伏倒靨灰白為表虛二者俱見為表裏俱虛全用異功散救之甚至薑附靈砂亦可用若止裏虛減官桂若止表虛減肉荳蔻不減官桂丁香若能食便秘而陷伏倒靨者為裏實當用錢氏及丹溪下法若不吐瀉能食為裏實裏實而補則結毒毒紅活綻凸為表實表實而用表藥則潰爛不結痂凡痘但見癩點便忌葛根湯恐發得表裏俱虛也

辨陳氏之偏

讀前人之書當知其立言之意苟讀其書而不知其意求適於用不可得也痘瘡之論錢氏為詳歷舉源流經絡

分明表裏虛實開陳施治之法而又證以論辨之言深得著書垂教之體學者讀而用之如求方員於規矩較平直於準繩引而伸之觸類而長之可爲無窮之應用也今人不知致病之因不求立方之意倉卒之際據證驗方謾爾一試設有不應弁其書而廢之不思之甚也近因局方之教久行素問之學不講抱疾談醫者類皆喜溫而惡寒喜補而惡解利忽得陳氏方論皆用燥熱補劑其辭確其文簡歎然用之翕然信之遂以爲錢氏不及陳氏遠矣或曰子以陳氏方爲不足歟曰陳氏方誠一偏之論雖然亦可謂善求病情者其意大率歸重於太陰一經蓋以手太陰屬肺主皮毛足太陰屬脾主肌肉肺金惡寒而易於感脾土惡濕而無物不受觀其用丁香官桂所以治肺之寒也用附朮半夏所以治脾之濕也使脾與肺果有寒與濕而

兼有虛也量而與之中病則已何傷之有今也不然但見出遲者身熱者泄瀉者驚悸者氣急者渴思飲者不問寒熱虛實率投木香散異功散間有偶中隨手獲效設或誤投禍不旋踵何者古人用藥製方有向導有監制有反佐有因用若錢氏方固未嘗廢細辛丁香白朮參芪率有監制輔佐之藥不專務於溫補耳然其用寒涼者多而於補助一法畧示端緒未曾深及癡人之前不可說夢錢氏之慮至矣亦將以候達者擴充推廣用之耳雖然渴者用溫藥痒塌者用補藥自陳氏發之迥出前雖然其多用桂附丁香辛芳燥熱恐未爲適中也何者桂附丁香輩常有寒而虛者固是的當虛而未必寒者其爲患當何如耶陳氏立方之時必有挾寒而用一偏之方寧不過於熱乎予嘗會諸家之粹求其意而用之實未敢據其成方至正甲申

陽氣早動正月間邑間痘瘡不越一家率投陳氏方童幼死者百餘人雖由天數吾恐人事亦或未之盡也

辨瘡候

傷寒男體重面黃女面赤喘息急各憎寒口中氣熱呵欠頰悶項急瘡疹則顯赤躁多噴嚏悸動昏倦四肢冷傷寒當發散之瘡疹當溫平之有大熱者宜解毒昏睡喜噦悸者將發瘡疹

辨痲證 呵欠 噴嚏 睡中急驚 耳尖冷 眼澀

辨傷寒 口熱 口中醋氣 妳辦不消 腹中疼痛

瘡疹候面燥顯赤目胞赤赤呵欠頰悶乍涼乍熱咳嗽噴足稍冷夜臥驚悸多睡此瘡疹疰天行之病也

錢氏論屬五臟

陸親宮十太尉瘡疹衆醫治之王曰疹未出屬何臟肺一醫言胃氣熱一醫言傷寒不退一醫言在母腹中有毒錢氏曰若言胃氣熱何以乍涼乍熱若言母腹中有毒屬何

醫學綱目卷五

庚

臟也醫曰在脾胃錢氏曰在脾胃何以驚悸皆無以對錢氏曰夫胎在腹中月至六七則已成形食母腹中穢液入兒五臟食至十月即穢液滿胃至生時兒口中猶有不潔產母以手拭淨則無疾病俗以黃連朮粉下其臍糞之穢此亦母之不潔餘氣入兒臟中本先因微寒又遇風寒邪氣相搏而成痘疹也未出欲作之時熱動五臟則五臟之症先見初欲病時先呵欠頰悶驚悸乍涼乍熱手足冷面頰頰赤燥咳嗽噴嚏此五臟症俱見也呵欠頰悶者肝也時發驚悸者心也乍涼乍熱手足冷者脾也面赤頰頰赤咳嗽噴嚏者肺也惟腎無候以在腑下不能食穢故也凡瘡疹乃五臟毒若出婦一症肝水疱肺膿痂心爲癰脾爲疹腎雖無症其候惡者瘡變倒靨而黑陷則婦腎也此由不慎風冷而不能食內虛所致也今太尉疹子無他證當

用平和藥爲治因用抱龍丸數服愈海藏云本先因微寒冷而不能食內虛一向勿認作寒証用抱龍丸卽知癩疹多熱也

瘡疹始出之時五臟症見惟腎無候但見平症耳尻涼耳

涼是也尻耳俱屬於腎其居北方主冷也

癩疹始出之症必先見面燥腮赤目胞亦赤呵欠頓悶乍熱乍涼咳嗽噴嚏足稍冷多睡睡驚並瘡疹之症或生膿泡大癩或生小紅癩或生癩疹此三等不同何故俱顯上症而後乃出蓋已上諸症太陽寒水起於右腎之下煎熬左腎足太陽膀胱寒水夾脊逆流上頭下顛逆手太陽丙火不得傳道逆於面上故顯是症蓋壬子年水尅丙丁熱火故也諸癩症皆從寒水逆流而出也醫者當知此理乃敢用藥夫胞者一名赤宮一名丹田一名命門男子藏精施化婦人繫胞有孕俱爲生化之源非五行也非水亦

非火此天地之異名也象坤土之生萬物也夫人之始生也血海始淨一日二日精勝其血則爲男子三日四日五日血脈已旺精不勝血則爲女子乃二物相搏長先身生謂之神又謂之精道與釋二門謂之本來面目是也其子在腹中十月之間隨母呼吸吸者陽氣也而生動作滋益精氣神飢渴皆隨母血兒隨日長筋骨皮肉血脈形氣俱足十月降生口中尚有惡血啼聲一發隨吸而下此惡血復歸命門胞中僻于一隅隱伏而不發直至兒因內傷乳食濕熱之氣下陷合于腎中二火交攻榮氣不從逆於肉理惡血乃發諸癩疹皆出於腎水其湯後聚肉理歸於陽明故三番癩始顯之症皆足太陽壬膀胱尅丙小腸其始出皆見於面終歸於陽明肉理熱化爲膿者也二火熾盛反勝寒水遍身俱出此皆從足太陽傳變中來也

驗熱時

始發潮熱三日已上執量入皮膚即發瘡疹而不甚多

者留皮膚之間潮熱隨臟出如早食潮熱不已為水泡

用藥驗

之類也午潮熱為痲申酉潮熱為痲瘋法若三日未覺形迹當以生酒塗身上時時看之

狀如蚤痕者是也或曰傷寒傷食潮熱與痲疹不能辨者宜以辛涼之劑調之五日已裏發出即汗五日已外無者非痲也各隨應見而治之

驗蠶流

治小兒壯熱昏睡傷風風熱瘡疹傷食皆相似未能辨

認間服升麻葛根湯惺惺散小柴胡湯甚驗蓋此數藥通治之不致誤也惟傷食則大便酸臭不消化畏食或吐宜

以藥下之海藏云宜以藥下之者當察其所傷何物生硬寒熱不等不可處以巴菹之類大毒之藥下之升麻葛根湯太陰陽明也惺惺散治風熱喘不利也升麻湯小便利不利也小柴胡湯治性寒熱胸膈微痛少陽也然欲陽當以脈別之

醫學綱目卷之三

夫

小兒耳冷尻冷手足乍暖乍涼面赤時嗽時噎驚悸此瘡

疹欲發候也未辨認間服升麻湯消毒散已發未發皆

宜服仍用胡荽酒黃柏膏者月煩燥食後與白虎湯玉露

散熱盛與紫雪咽喉或生瘡與甘桔湯甘露散餘依前說

大人小兒同治法惟大小不同耳海藏云消毒散太陽藥鼻乾不得臥陽明藥也甘露散肺腎藥也甘桔湯少陽藥也紫雪天冬麥冬黃芩生地為血劑玉露散肺腎藥也石膏寒水石為氣劑已上

痲症未顯服藥

升麻葛根湯治傷寒瘟疫風熱壯熱頭痛瘡疹已未發並

宜服之

升麻

葛根

芍藥

甘草灸各等分

右同為細末每服四錢水一盞半煎至一盞無時溫服

海藏云升麻葛根湯太陽陽明之藥陳文中云身熱腹痛者身熱泄瀉者身熱驚悸者身熱汗出者身熱足冷者俱不宜服升麻葛根湯恐發得表虛也

瘡見痲點是葛根湯已發得表虛也

惺惺散治小兒風熱瘡疹傷寒時氣頭痛壯熱目澁多睡  
咳唾氣壅鼻塞清涕

白朮 桔梗 細辛 瓜蒌根

人參 茯苓 甘草各等分

右咬咀每服二錢水一盞生薑三片入薄荷三葉煎至  
半盞時時與服活人云加防風川芎亦各隨經也海藏云惺惺散治風熱咽不利脾不和少陽渴小便不利也

右二方發表平劑

王朝奉四物解肌湯

芍藥 黃芩 升麻 葛根

每服四錢水一盞煎至七分去查服或云小兒傷寒疫  
癘潮熱瘡疹五日已衰疑似不能辨別者並皆辛涼之  
劑調之即以四物湯解肌之類海藏云此論即有表也若內傷腹中有物未得

大醫學綱目卷之三

无

大便而發熱者當以食藥去其物則可若得便後仍發  
熱在表者亦宜此解肌湯此錢氏升麻葛根湯減甘草  
加黃芩之意也

防風蒼朮湯治小兒邪熱在表惡風惡寒瘡疹未出可  
解表發癰疹

防風兩 蒼朮 石膏各一兩 甘草炙半兩

川芎 黃芩各二兩

右為籠末每服二錢生薑三片薄荷七葉水煎日二服  
此方惡寒者宜用之  
右二方辛涼之劑表有熱者宜之

大便酸臭不消化畏食或吐乃內傷飲食宜枳朮丸傷冷  
食飲神應丸

一男子年十六歲發熱而昏目無視耳無聞兩手脈皆  
豁大而畧數知其為勞傷矣時里中多發痘者雖不知人

傷寒宜  
消理之

脈虛大  
宜補之

與藥則飲與粥則食遂教以參芪當歸蒼朮陳皮大料濃  
與之飲至二十餘貼痘始出又二十貼則成膿胞身無全  
膚或曰病勞可畏何不用陳氏全方治之予曰此但虛耳  
無寒也只前方守之又數十貼而安後詢其病因為先四  
五日恐有出痘之患遂極力採樵連日出汗甚多

五臟各有一證·肝臟水疱·肺臟膿疱·心臟痘

脾臟疹·婦腎變黑

肝臟水疱色或青肺臟膿疱色或白脾臟疹或如麩糠  
色心臟痘其色赤變婦腎則色黑矣此五色凡痘疹一色  
者善或二色三色相合而作者凶 第一大小不等

小兒在胎十月食五臟穢血生下則其毒當出故瘡疹之  
狀皆五臟之液肝主淚肺主涕心主血脾爲裹血其瘡出  
有五名肝爲水疱以淚出如水其色青而小肺爲膿疱以  
涕稠濁如膿其色白而大心爲瘰主血其色赤而小次於  
水疱脾爲疹其色赤黃而小涕淚出多故膿疱水疱皆大  
血榮於內所出不多故瘰疹皆小又病水疱膿疱者涕淚  
俱少以液從瘡出故也譬如泡中容水水去則泡瘦矣

右水疱者俗謂之水痘也膿疱者俗謂之痘子也瘰者  
俗謂之瘡子也疹者俗謂之麻子也痘之形狀最大水  
痘次之瘰瘡又次之麻子最小隱隱如麻子也

更看時月重輕大抵瘡疹屬陽出則爲順故春夏病爲順  
秋冬病爲逆冬月腎旺又盛寒病多婦腎變黑又當辨春  
膿疱夏黑陷秋瘰子冬疹子亦不順也

凡瘡疹只出一般者善 先發膿胞後發疹子者順·先  
發水疱後發疹子者逆 先發膿疱後水疱多者順少者  
逆·先發水疱後發瘰子多者逆少者順 先發疹子後

發癩子者順 先發膿疱後發癩子者逆海藏云此一白諸臟相合而不齊也用藥亦難矣前街云五色各隨五臟亦有二色相合或有三色卽無定也此與前後膿才癩疹大小不同先後逆順大意相若

凡瘡疹若出辨視輕重若一發便出盡者必重也痘夾疹者半輕半重也出稀者輕裏外肥紅者輕外黑裏白者微重也外白裏黑者大重也瘡端裏黑如針孔者熱劇也青乾黑陷昏腫汗出不止煩燥熱渴腹脹喘喘大小便不通者困也凡瘡疹當乳母慎口不可令飢及受風寒必喘腎變黑難治海藏云或熱極反兼水化者亦能變黑當以京內素熱頭反陷色或女青似黑中有針眼下陷當急以清涼藥疎之便結者大黃牽牛之類便軟者金花丸之類主

輕者作三次出 大小不一等 頭面稀少 眼中無根窠紅 肥滿光澤

醫學綱目卷三

五

重者一齊並出 密如蚕種 身熱腹脹 瘡灰白色

稠密無縫 瀉渴不止 頭溫足冷 輕變重 犯房室 不忌口 先曾瀉 飲冷水 餌涼藥

重變輕 避風寒 常和暖 大便稠 不燥渴 忌生冷 忌外人

右飲冷水耳京藥若內有實熱者不須忌之

二日三日痘瘡始見微微纔出如粟米大或如黍米大或如菜豆大似水珠光澤明淨者佳不須服藥

四日五日痘瘡大小不等根窠紅活光澤明淨者輕如稠密陷頂灰白色瀉渴者重

六日七日痘瘡肥紅光澤者輕如身溫氣促口乾腹脹足指冷者重



八日九日痘瘡長足肥滿蒼蠟色者輕如寒戰悶亂腹脹  
煩渴氣急咬牙者至重也

十日十一日痘瘡當腐瘡痂欲落而愈如身熱悶亂腹脹  
泄瀉寒戰咬牙者重

塗面護  
眼法

黃栢膏如瘡疹已出此藥塗面次用胡荽酒外治法

黃栢

一兩

葦荳粉

二兩

甘草

四兩

紅花

二兩

右同為細末生油調從耳前至眼眶並厚塗之日三兩  
次如早塗瘡不至面縱有亦少

彭氏云痘疹護眼人多用胭脂搽元醫云不如

護眼法無出此方也

痘瘡初出用鼠粘子為末水調傳顛門並無患眼亦妙

噴嚏令  
快法

胡荽酒 胡荽一味細切四兩以好酒二盞煎一二沸入

胡荽再煎少時用物合定放溫每吸一大口微噴從頂至  
足勾遍勿噴頭面病人左右常令有胡荽氣即能辟去污

入膏學編卷三

三

氣瘡疹出快

變重為  
輕法

痘疹初出時或未出時見時人有患者宜預服此藥多  
者令少重者令輕以丝瓜近蒂三寸連皮子燒灰存性為  
末沙糖拌勻乾喫入硃砂末更妙

消毒救苦湯治癰症悉具消化便令不出若已出稀者  
再不生癰十一月立此方隨四時加減惟通造化明藥性  
者能之

麻黃根

羌活

防風

各五分

柴胡

川芎

各二分

細辛

藜本

二分

升麻

五分

葛根

黃芩

酒炒各二分

黃連

二分

黃栢

五分

紅花

少許

蘇木

一分

歸身

三分

吳茱萸

半分

白朮

一分

蒼朮

二分

甘草

生

橘皮

各一分

連翹子錢初出者  
威靈威出大者加

生地

五分

右咬咀每服五錢水二大盞煎至一盞去渣稍熱服  
疹者因內傷必出班乃榮氣逆故也大禁牽牛巴豆峻  
藥宜半夏枳實大黃益智仁之類去瀉止吐若耳尖冷  
呵欠睡驚噎噴眼澁知必出班也宜

升麻

葛根

白芍藥

甘草

梔身

連翹各等

右咬咀水煎服此定法也後隨症加減

分五裁  
施治

如肺出膿疔先顯喘嗽或氣高而喘促少加人參黃芩  
以瀉伏火而補元氣 如心出小紅疔必先見噎乾驚  
悸身熱肌肉腫脈弦洪少加黃連 如命門出癰疹必  
先骨痛身熱其疼痛不敢動搖少加生地黃栢 諸疔  
疹皆為陰症瘡皆因內傷乳食脾胃不足榮氣逆行雖  
火勢內熾陰覆其外故錢氏製四物升麻湯發之如有

醫學綱目卷三

三

傳變症依加減法服之

分乾溫  
治

如疹痘則發於脾宜陳氏人參清膈散疹者皮膚隱隱如麻名曰麻子  
水疱者多因傷寒熱毒而發宜升麻散及羌活散方見  
葛根連翹之類瀉濕乃肌表間濕宜用風藥防風白芷之

類痘初起時自汗不妨蓋濕熱薰蒸而起故也

診生死

痘瘡不治症有七 一受齒痘黑陷喉中涎喘因先受

風冷血氣虛弱即變此症 二憎寒困倦痘子縮伏 三

瘡作坑內無膿血或黑色泡或瘡跡作黑色 四痘癰壅

腫痘毒變疔口臭齟爛牙落 五聲啞氣噎或咽藥腹中

鳴 六痘初出而半在皮膚帶紫黑色不出者 七誤於

踈轉氣啞者 凡出前後心密及兩手心兩足心密者皆

不可治

論痘不治有五 痒塌寒戰咬牙煩躁不止 紫黑色 喘渴不寧 頭溫足冷悶亂欲飲水 目睛上視齒齙氣 促泄瀉不止 灰白色陷頂腹脹喘渴不止

小兒瘡疹與傷寒相類頭痛身熱足冷脈教疑似之間 只與升麻湯解肌兼治瘡子已發未發皆可服但不可踈 轉此為大戒傷寒身熱固不可下瘡疹發熱在表猶不可 轉世人不學乃云初覺以藥利之宜其毒也誤矣海藏云 此論雖 當在經則可若熱甚過極足冷或內傷腹熱足冷宜以寒 藥如洗心調胃及化食藥通膈之類主之然當求責厥府 秘與不秘脈道何如耳許氏云上熱上冷傷食也痘疹初 傷手足冷惟傷寒一身盡熱不與足冷相類此傷食非 傷冷也若傷冷不宜用 王德孚用感應丸治之 痘瘡已出不可踈轉出得已定 膿血大盛却用踈利亦非也海藏云此言若在經而出不 時後重如刺疾及脈 蓋者為當若腹胃有垢賦便 濁在裏者亦當微下 疑滯者不 大抵瘡疹首尾皆不可下海府有 云此 小兒身耳尻冷咳嗽輒用利藥即害人海藏 云此

醫學綱目卷三

毒

言裏抑而少陽之氣在裏熱者故用化毒犀角 湯為氣出裏若氣未出裏未盡求黃踈利亦可 痘纔瀉則令內陷決不可輕易轉下惟大小便多日不利 宜微微利之及痘已靨尚有餘熱停留或作熱或作瘡癩 或成癩宜四順飲下之不特消餘毒亦免生他症累試累 驗 每見疹痘者服發表麻黃藥出汗陽氣盡出膚表遂 至痲爛臟虛虛則腹痛自利或作寒戰或作陰癩死者多 矣

痘瘡自初出至已愈之際父母切勿忌房事

凡痘瘡勿令親近狐臭漏腋者房中淫慾者及婦人經 候醉酒葷穢硫磺蚊藥一切腥臊疫汚蒸濕誤燒油髮五 辛潑糞淋尿熬油煎卵俱當忌之

瘡疹忌外人及穢觸之物雖不受風冷亦不可擁遏常 令衣服得中並溫涼處坐臥

痘瘡發熱口乾煩渴不止者切不可與水噉亦不宜與蜜紅柿西瓜橘子等冷物食之

若服實中有實熱者不必忌生冷

痘瘡

欲屬已屬之間忽不能壓腹脹煩渴不可與水蜜等冷物食之或頭溫足指冷或瀉渴氣促亦不可與之

十二日

十三日瘡痂已落其痂猶黯或凹或凸肌肉尚嫩不可燥浴亦不宜食炙煖物酸辣五辛有毒之物恐熱毒熏脹眼目多生翳障

世人徒知憐惜過愛信其俗而不藥病已成而方憂摩撫從容無所不從豈知愛之適足以害之惜之適足以棄之始不早治治不全終卒之殞斃勞而無功至是咎醫嗚呼其計亦繆矣

痘出太密

疎則無毒密則有毒用涼藥解之雖數十貼亦不妨無

不醫學綱目卷三

三

害眼之患

一發便密如針頭形勢重者合輕其表而涼其內連翹升麻湯主之

乾黑陷  
鼠粘子炒二錢 當歸身酒浸 甘草炙 柴胡  
連翹 黃芩 黃芪各一錢 地骨皮二錢

右咬咀每服二錢水煎去渣溫服空心服藥畢且勿與乳食

田調肝散治瘡疹太盛宜服令瘡不入眼

生犀半錢

草龍膽一錢

黃芪半兩

大黃二錢

桑白皮炒黃

麻黃去半兩

釣藤子各一錢

石膏半兩

瓜蒌仁去

甘草炒各二錢

右為龐末每服二錢水煎食後溫服微利效

**海**出太多者犀角地黃湯地骨皮鼠粘子湯犀角地黃湯  
方見軀血地

骨皮鼠粘子湯即地骨  
皮散加鼠粘子是也

**丹**又解瘡毒藥

絲瓜 升麻 芍藥酒炒 甘草生

山查 黑豆 赤小豆 犀角

右咬咀水煎服

**瘰**癧已發密重微喘飲水者有熱證用去風藥微下之

**丹**治男子勞傷出痘昏不知人身無全膚者方見痘  
未愈

痘出不快

大益

錢氏消毒散 化毒湯活人鼠粘子湯已上三方並見本  
條中有鼠粘劑芥  
防風皆發痘  
之要劑也

右三方發瘡痘皆溫平溫涼藥錢氏所謂三日不出或

醫學綱目卷三

三

出不快即微發之者是也如微發不出者即就與前項  
藥該每服二錢者即加至三四錢該每日二服者即加  
至三四服如加藥又不出者即用升麻葛根麻黃桂枝  
大發之如大發後不多及脈平無事者即瘡稀不可更  
發如脈洪有熱有大熱者當用四聖導赤八正葶利小  
便有太熱者當用芩連及金花丸葶解毒若利小便解  
毒後又不快則勿發勿下止用抱龍丸治之此皆錢氏  
心法也

虛

**丹**勉奴痘已出第三日色淡不肯發此血氣俱虛與此方

人參錢一 白朮炒 黃芪酒 歸身酒洗各  
二錢

陳皮分 甘草炙少 訶子煨一  
錢 荳蔻煨一  
錢半

右煎入好酒些飲之

右治氣血俱虛

疹痘發未透宜四君子湯加黃芪紫草糯米煎凡醫百病不可損胃氣故用四君子及糯米等助其胃氣山閣孝忠續錢

世六一湯專發痘瘡之膿

黃芪六錢 甘草六錢

右咬咀每服二錢水六分煎入酒二分同煎至半盞溫服更加橄欖同煎尤好加山藥亦得

右治氣虛

活血散治瘡子或出不快用白芍藥末酒調如欲止痛只用溫熱水調燕下 海藏云張和之治四肢出不快加防風大效此症乃太陰藥也

四物湯治痘瘡出不快不甚紅活不起根窠綠血虛故也此藥能活血調順痘疾無如此方自古及今用之如寶只加甘草服之

醫學綱目卷三

三

右治血虛

虛寒

女子瘡後出痘血氣俱虛又值冬寒熱易退不出

丁香五粒 附子五分 桂枝半錢 甘草一分

人參兩半 黃芪錢 陳皮 當歸酒洗各五分

異功散治痘瘡已出之間不光澤不起發根窠不紅謂之表虛

木香 當歸各三錢 桂枝 白朮

茯苓各二錢 陳皮白去 厚朴薑製 人參蘆去

肉蔻各二錢半 丁香半錢 半夏薑製一錢半 附子炮去皮一錢半

右咬咀每服二錢水一盞薑五片棗三枚煎服

右治虛寒用此必脈虛細四肢身冷者方可用之

虛熱

藍根散治瘡疹出不快及倒靨一名二聖散救小兒垂

死

板藍根一兩 甘草灸七錢半

右末每服半錢取雄雞冠血三兩點同溫酒少許食後調下無時甚則三五服立效丹溪云藍能分散敗血

若出不快清便自調知其不在表不在裏當微發之宜升麻葛根湯

消毒散治瘡未出或已出未能勻遍又治一切瘡涼膈去痰治咽喉痛

牛蒡子炒三兩 甘草灸半兩 荆芥穗二錢半

右同為麤末每服三錢水一盞半去查溫服海藏云此藥皆溫平之劑一法加防風薄荷

鼠粘子湯治小兒痘瘡欲出未能得透皮膚熱氣攻咽喉眼赤心煩

鼠粘子炒四兩 荆芥穗 甘草各一兩 防風半兩

右為細末沸湯點服臨臥大利咽喉化痰涎止嗽老幼皆宜海藏云太陽少陽之劑首論溫平者此也

又法用牛蒡子炒熟為末同荆芥煎服

右三方消毒飲加減法也

活化毒湯治小兒瘡痘已出未出並宜服之

紫草茸 升麻 甘草灸各等分

右吹咀水二鍾粳米五十粒同煎此陽明之藥也海藏云出方用糯米去梗米

亞玉痘出兩日不甚透食稍進汗微出熱畧減但食物口中覺有惡味此出得遲發未透須微微表之

升麻 陳皮 芍藥炒半錢 紫草 白朮

作一貼加少酒同煎白芍須炒見其大便雖出不多却

表裏清便自調宜表

醫學綱目卷三十一

表

白帶溇滑

**世**透肌湯治痘不透

紫草

白芍藥

升麻

秫米粉

炒各

右三方皆化毒湯加減法也

**海**太陽出不快

身之後也

荊芥甘草防已湯

陽明出不快

身之前也

升麻加紫草湯聖惠方升麻身根加紫草

少陽出不快

身之側也

連翹防風湯即連翹散

四肢出不快

防風芍藥甘草湯

痘疹煩不得眠者 桔梗加梔子湯

桔梗

甘草

梔子

各等分煎服

**治**痘出不快煩躁不得眠者 水解散麻黃芩湯升麻

黃芩湯主之海藏云莫若定其氣血用石膏梔子之類尤佳麻黃芩湯升麻黃芩湯亦當求責的是

太陽陽明方可用之

醫學綱目卷三

羌

水解散治天行頭疼壯熱一二日兼治疱瘡未出煩躁或

出尚身體發熱者

麻黃去節

大黃

黃芩

桂心

甘草炙

芍藥各

右為龐末患者以生熟湯浴訖以煖水調下二錢相次

二服得汗利便瘥強人服二方寸七風實之人三伏中

亦宜用之若去大黃春夏通用

升麻黃芩湯治痘瘡出不快煩躁不得眠 麻黃黃芩湯

治痘瘡出不快益煩躁昏憤或出尚身疼熱者已上二方見小兒傷

門寒

**錢**四聖散治瘡疹出不快及倒靨一方有黃芪

紫草茸

木通

甘草炙

枳殼麩

右等分為龐末每服一錢水一鍾煎至八分溫服無時

煩不得  
眠者宜  
汗和之

便難宜  
流行



劉提點云疹最要大小分曉錢氏四聖散  
用木通枳殼極好若大小流利不必苦泥

**田**紫草廻癩散小兒痘疹出不快或倒靨毒氣入腹

紫草茸 黃芪 桑白皮 木通

枳殼 白木各等分

右為麤末每服三錢水酒各半盞麝香少許同煎服

**海**紫草木通散治小兒瘡疹

紫草 木通 人參 茯苓

粳米各等分 甘草減半

右為末每服四錢水煎此小便不利之劑也

**世**人參蟬蛻散治小便不利瘡痘不散燥躁多渴戛牙咬

齒氣龕喘滿

人參 蟬蛻 白芍藥 木通

赤茯苓 甘草各等分 紫草茸各等分 水煎服

大醫學綱目卷三

**錢**紫草散發發斑疹

釣藤鈎子 紫草茸各等分

右為細末每服一字或五分一錢溫酒調下無時

**海**小兒瘡疹出未快可濃煎紫草汁服

右紫草例為通利腠理要藥也

瘡不綻黃狗蠅四五枚用常酒研細服之未綻再服冬月

在耳內取之

**直**絲瓜湯發瘡疹最妙絲瓜連皮燒灰存性百沸湯調下

痘痒塌

**田**痒塌者於形色脈上分虛實實則脈有力氣壯虛則脈

無力氣餒實痒則勢熾虛痒則氣怯虛痒以實表之劑加

涼血藥實痒以大黃寒涼之藥少許與之下其結糞

痘瘡痒塌不掩

虛管

雜方

痘

白木一錢

黃芪炙半錢

當歸

陳皮各五分

甘草些

水煎溫服

予治一子七歲痘將出未出之際腹泄數行其泄色黑不發根窠三日後痒塌抓即黑色口渴其根窠如水疥狀不紅澤不起發食少脈浮數有力按之虛遂用參芪歸木陳皮肉苳蓯為君灸甘草訶子桂為佐使水煎熟好酒些少咽下痒立止食立進根窠紅澤而起發二服全愈

雜方

輕者用淡蜜水調滑石末以雞羽潤瘡上

痘痒難任搔之成瘡或膿或血出者敗草散治之切不可用牛糞灰貼則臭穢癩瘡多矣

屋爛草

屋上爛草也如無端頭上爛草亦可用此草經霜雪雨露而感天地之氣善解瘡毒

右一味為末每研碎篩末若渾身瘡破爛膿水不絕粘貼衣裳難以坐睡可用二三升攤於床褥上令兒坐臥

醫學綱目卷三

聖

其效如神

小兒痘瘡痒難任候搔成瘡及瘡痴欲落不落用上好白蜜一味塗於瘡上其痴易落可無紫黑癢痕世傳痘屬落變成癩癬其痒難任用陳年鴈脂油博神妙

又方用羊髓骨髓煉一二沸入輕粉少許研成白膏寬合盛之塗瘡效

痘灰白色

寒熱

爐灰白色靜者怯者作寒看躁者勇者熾發者作熱看

大小利  
為虛  
為實

凡痘疹白色將靨如豆殼者蓋因初起時飲水多其靨不齊俗呼倒靨不妨但服實表之劑如毒氣鬱裏消息他大

小便如大便閉通大便小便閉通小便無妨

虛寒

吳店小兒周歲痘瘡色白甚痒藥中每加參芪半兩

白木五分

丁香兩

當歸一錢

官桂三分

黃芪西 水煎服

虛熱  
予族姪女笄年出痘灰白色身熱喘渴脈洪有力與八  
物湯加連翹桔梗犀角屑半夏木通紫草乾葛石膏杏枳  
連芩前胡瓜蒌仁服之十貼後色紅活喘緩減漸微但  
熱未除遂於前方減芪香胡枳連芩蒌七味服三十餘貼  
而安安後髮皆落月餘方起床虛之盛也○又一男子二  
十餘歲出痘已破未破者灰白色又雜間以黑陷倒靨者  
發熱寒戰身痛脈洪或時弦亦與八物加木通紅花紫草  
陳皮連翹服十餘貼而安

痘黑陷倒靨

虛  
紫草散治瘡痘黑陷曾服此方愈元錢皆云有枳殼難  
服

紫草

甘草

糯米元云此味極好助胃氣

醫學綱目卷三

聖

黃芪

各等 水煎服

血色淡補  
丹痘瘡黑陷二種因氣虛而毒氣不能盡出者用黃芪人  
參酒炒紫草治之顏色正者如上治法參芪之補佐以紫草之通利也  
如將出成就之際却色淡不正者屬血虛宜用補血藥當

婦川芎白芍酒洗之類或加紅花

色紫解毒  
如將成就之際却色紫不正者屬熱宜用涼藥解毒升麻  
芩連桔梗連翹之類甚者用犀角屑如用後項諸藥色仍不正者宜兼用二法

之治

大小通利腹浮者通表  
世回生散治瘡疹倒靨黑陷用人牙燒灰存性入麝香少  
許研細每服半錢用黃芪白芍藥煎湯調下立效錢氏方

中用溫酒調下雲岐方中用升麻紫草煎湯調下海藏云若平昔

油膩腸垢者通膈九下之疎砂為衣與宣風散相表裏彭氏云只用紫草湯自好錢氏方用麝香及酒蓋瘡疔最怕麝香與酒氣  
網禁不可用

治痘瘡黑陷藥不能發者有驗用川山甲一味燒存性為細末入麝香當門子少許一歲五分三歲一錢溫酒調下一服取效雖半身黑陷欲絕者亦能暫甦而發紅色但有日閉無竟者不復生矣此方雖驗回生散又佳今詳麝香恐不宜服

麻黃湯用麻黃剪去根節五錢用蜜一匙同炒良久以水半升煎候沸去上沫再煎去三分之一不用查病瘡疤倒靨黑者乘熱盡服之避風俟其瘡復出一法用無灰酒煎更速但小兒不能飲酒者難服以此藥入表也世傳此法累用效有

大小結  
驗實者  
調和良

治瘡黑倒陷猪尾湯無比散龍腦膏子無不驗海藏云若用草藥下已而後用之可也

猪尾膏治瘡倒靨用小猪尾尖刺血兩點入生腦子少許同研新汲水調下食後立效

不醫學綱目卷三

龍腦膏子治時疫發痘瘡及出瘡子未透心煩狂躁氣喘妄語或見鬼神或已發而陷伏皆宜速治不治其毒入臟決死用生龍腦一錢研細滴猪心血和丸如豆子大每服一九心煩狂躁者用紫草湯化下若瘡子陷伏者用溫酒化下少時心神便定得睡瘡疹發透依常將息取安海藏云此

一法証極而用故  
活人云不得已也

四董散治癩瘡倒靨黑陷出御院藥方歌曰人猫猪犬臘

辰燒每服三錢蜜水調選甚倒靨并黑陷萬兩黃金也合

消臘月辰日合此藥甚驗

和中黃膈月者最佳通風處以火煨成煤水調下三五錢陷者自出丹溪云子和黑陷甚者用燒人屎即此方

也治疹痘不透乾黑危困用山查肉一味為末每服二錢

紫草酒送下量兒大小加減徐徐進三四服卽紅活

劉守真涼膈散治小兒癰疹黑陷亦妙然止能治大便結硬小便赤澁爲當若大便小便已通不宜用此惟以易老去大黃硝者最爲穩當

寒蟻咬  
牙者下

凡痘疹重者猶十活四五黑者無問何如十難救一其候或寒戰咬牙或身黃腫紫宜急以百祥丸下之復惡寒不已身冷出汗耳尻反熱者死何以然腎氣大旺脾虛不能治故也下後身熱氣溫欲飲水者可治以脾氣生勝腎寒去而溫熱也治之宜解毒不可妄下妄下則內虛多喘於腎若能食而痲頭焦起或未焦而喘實者可下之宜四順飲 瘡赤陷而耳尻反熱者爲逆用百祥丸牛李膏各三服不愈者死

百祥丸一名南陽丸治瘡疹黑陷寒戰咬牙戛齒身黃紫

醫學綱目卷三

四

腫

紅牙大戟

不以多少陰乾漿水煮軟去骨日中曬乾復納汁煮汁盡焙乾爲末

右水丸如黍米大每服一二十九研芝麻湯下吐利同無時此方治戛齒甚妙

牛李膏用牛李子不以多少取汁石器內熬成膏牛李子生野道邊至秋結實黑子成穗如無生者以乾者爲末水熬代用每服皂子大煎杏膠湯化下此藥須於九月中取之

睦親宅一大王病瘡疹始用一李醫又召錢氏錢留與枹龍丸三服李以藥下之其疹稠密錢氏見大驚曰若非轉下則爲逆病王曰李已用藥下之錢曰瘡疹始出未有他症不可下也但當用平和藥頻與乳食不受風冷可也瘡痂若起能食者大黃九瀉一二行卽止今先下之瘡疹未

能出盡而稠密甚則難治此誤也縱得安其病有三一者  
疥二者癰三者目赤李氏不能治經三日黑陷後復召錢  
曰幸不發寒病未困也遂用百祥丸為主牛李膏為助各  
二大服至五日間瘡復紅活七日而愈蓋黑者歸腎水也  
腎旺勝脾土不尅水故脾虛寒戰則難治所用百祥丸者  
以瀉膀胱之腑腑若不實臟自不盛也何以不瀉腎由腎  
主虛不受瀉如二服不效即加寒而死矣

**治瘡疹黑陷鐵脚葳靈仙為末炒一錢腦子一分用  
溫水調服取下瘡痂為效**

**活無比散治小兒瘡疹惡候**

硃砂先研一兩

牛黃

麝香

樟腦

膩粉細研各一錢

右同研細如有患者小兒一字大人五分入水銀少許

醫學綱目卷三

置一

用小猪尾上血三兩點新水同調服寧穩得睡者然後  
取轉下如爛魚腸蒲萄穗之類涎臭惡物便安小兒用  
乳汁調妙海藏云此瀉內執之極不能開發於外則宜  
此內雖過泄外亦開發即透肌膚之藥與至  
寶丹同

**雲小兒癩疹黑陷方**

乾胭脂三錢

胡桃一箇燒存性

右為細末煎胡荽酒調下藥一錢立效

右治死血黑陷凡前方用川山甲及麝香等藥治黑陷  
皆為氣滯者設也

**雲治癩疹黑陷用臘月禿梟腦子一箇或二箇以好酒調  
服若乾者以好酒浸少時化開依上條服立效**禿梟百  
勞鳥也

**無箬葉散治倒靨用箬葉一味燒灰為末麝香酒下**

**瘡黑而忽瀉便膿血并痂皮者順水穀不消者逆何以**

雜方

診

然且瘡黑屬腎脾氣本強或舊服補脾藥脾氣得實腎雖用事脾可制之令瘡入腹為膿血及連痂皮得出是脾強腎退卽病出而安也瀉米穀及瀉乳不化者是脾虛不能致腎故自泄也此必難治海藏云瀉出茄皮根在內也表裏俱病是爲火鬱木穀化者順水較不化者逆

未統一齊黑者爲陷已綻而不齊黑者爲將屬

### 痘寒戰

虛寒

憎寒困倦或發寒戰能令痘子縮伏宜用陳文中異功

散方見痘出

虛熱

寒戰咬牙黑陷者百祥丸下之方見黑嘗治痘瘡寒戰

用白朮芪歸加苓治之愈

### 痘發熱

熱

胡宅痘瘡發熱此血少有餘毒也

醫學綱目卷五十一

聖

陳皮

白朮

婦身

白芍藥各三錢

牛蒡子

研破炒

木通

犀角

生甘節

川芎各一錢半

分六貼水盞半煎食前稍熱服

小熱者解毒

連翹散治一切熱兼治瘡疹如神

連翹

防風

梔子

甘草各等分

右爲末水煎服

海藏云治熱在外而不服此少陽藥也

易老云涼膈去大黃芒硝者能解六經中熱此不惟解熱治小兒癰疹熱候亦使發之則本藥與防風荆芥二物各

半白水煎服

河梔子金花丸

黃芩

黃連

黃柏

山梔炒各等分

右末滴水丸如葶子大每服五丸白湯下

錢三黃丸治諸熱

黃芩兩

大黃兩

黃連各二錢半

右為細末糊丸粟菹大每服五七九至十五二十九食

後米飲送下

右錢氏云有小熱者解毒海藏謂解毒者三黃九金花丸之類是也

四聖散方見出

海藏紫草木通湯方見

導赤散方見

煩渴腹滿喘促瀉者利實小便

八正散方見淋部

有初起煩躁譫語狂渴引飲若飲水則後來齧不齊急以涼藥解其標如益元散之類可用

右五方利小便退熱之劑錢氏云有大熱者利小便又云身熱煩渴腹滿而喘大小便澀面赤悶亂大吐此當利小便蓋此用導赤散之類是也

醫學綱目卷五

聖

錢宣風散

檳榔兩

陳皮

甘草各半兩

牽牛四兩生

右為細末三二歲蜜湯調下五分已上一錢食前易老加防風

雲通膈丸利上下氣血藥也

大黃

牽牛

木通各等分

右為細末滴水丸如粟粒大每服三五十九量見大小虛實加減

右錢氏云有大熱利小便不瘥者宜宣風下之

瘡痘得水而活

子和蔡河有舟師偶見敗蒲一束沿流而下漸泊舟次似聞啼聲而微開視之驚見一兒四五歲許瘡疱周匝密不

容隙兩目皎然飢而索食因以粥食之其妻怒曰自家兒女多惹瘡疱傳染奈何私料蔡河流緩必不遠持兒一鞋

利小便後熱不退者下之



逆流而上徧問皆曰無此兒行二十里又至一村落舟師呼於市曰有兒年狀如許瘡疱死棄河中今復活忽酒邸中有人出曰我某村某人也兒四五歲死於瘡疱舟師出其鞋其人泣曰是吾兒也奔往視驚見兒活流涕拜謝舟師抱兒歸今二十餘矣此兒本死得水而生第未諗其瘡疱之疾寒耶熱耶

痘寒熱

虛

大和散治瘡痘後寒熱往來嗜臥頰悶躁亂

生地

當歸

地骨皮

人參

甘草炙

白芍藥各等分

右咬咀每服一錢水半盞煎至三分去渣溫服

痘渴

虛

陳十妹年廿歲出痘而有孕七箇半月大渴不甚出透

醫學綱目卷五

吳

寒熱交作血虛氣虛

人參

白朮

黃芪

陳皮

甘草炙

歸身各一錢

薑三片酒水各半盞煎服

瘡疹大腸閉澀或發渴四君子加瓜蒌根桔梗主之

若身熱小渴者六味人參麥門冬散治之如不愈或身熱

大渴者七味人參白朮散治之又不愈十一味木香散

六味人參麥門冬散

麥門冬

去心一兩人參

甘草炙

陳皮

白朮

厚朴薑製各半兩

右咬咀每服三錢水一盞煎至六分去渣溫服虛人減

厚朴

七味人參白朮散

方見消渴門○已上四方四君子加減法也

面赤煩躁大小

初起煩躁渴引飲者急以涼藥解其標

溢氣熱

身熱煩渴腹滿而喘大小便澀而赤悶亂大吐此當利

面白腹脹瀉為寒

小便不瘥者宜風散下之

十一味木香散集驗方本治瘡疽身熱作渴方見後瀉瀉為

文中云腹脹渴者瀉渴者足指冷渴者驚悸渴者身溫渴

者身熱面皤白色渴者寒戰渴不止者氣急咬牙渴者飲

水轉水瀉不已者已上九證即非熱也乃津液少脾胃肌

肉虛故也宜木香散治之如不愈更加丁香官桂此說必加審用

之脈瀉瀉瀉瀉驚悸渴寒戰渴咬

牙渴亦多屬熱者不可不察

虛

陳牙兒十九歲出痘有紅癍吐瀉而渴

蒼木一錢 白朮三錢 黃芪半錢 陳皮二錢

茯苓 甘草炙 甘草炙 確砂 當歸各半

薑三片同煎服

從子六七歲時患瘡痘發熱微渴自利一小方脈視之用

木香散每貼又增丁香十粒予切疑焉觀其出遲因閉自利而氣弱察其所下皆臭滯陳積因腸胃熱蒸而下也恐非有寒而虛遂急止之已投一貼矣繼以黃連解毒湯加白朮與十貼以解丁香之熱利止瘡亦出其後肌常有微熱而手足生癩癩與涼劑調補踰月而安 一男子十餘歲出痘熱時出根脚密嘔吐不食腰背骨節痛大渴喉痛腹亦痛全不食者半月餘脈浮弦洪而數與參芪歸朮炙甘草陳皮半茯苓薑煎服之至五日色淡又加桂些少婦芫再用酒製至七日痒甚加丁香三粒附子些少痒止至八日九日渴大作而腹泄瀉痒甚至十日寒戰遂用白朮為君芪陳苓炙甘草歸朮臣至十一日不瀉或痒或譫語但守前藥半月後自吐虫痰多而安

身熱脈洪數為熱

逆冷脈  
虛遲為  
寒

十一味木香散治疹痘腹脹渴其效如神必須密察的  
是寒流六脈  
或身熱四肢俱冷者可用此方出焦驗

木香

大腹皮

人參

官桂

赤茯苓

青皮去白

前胡

訶子皮

半夏

丁香

甘草炙各  
三兩

右咬咀每服二錢水一盞薑三片煎空心溫服

異功散集驗方瘡痘頭溫足冷腹脹瀉渴方見痘  
出不快

表裏俱  
虛

張巽之云吐瀉渴少食為裏虛異功散減官桂主之此症

瀉渴不可喫蜜水痘出之間不光澤不起發根窠不紅或

肉荳蔻丸治之異功散方見  
痘出不快

痘瀉不渴

瘡疹不渴

瘡疹不渴臟寒下利四君子加乾薑減半主之

醫學綱目卷五

五

痘疹大便不固痘漸黑陷小兒乳母同服

人參

白茯苓

肉荳蔻

黃芪各半  
兩

甘草錢二

右咬咀每服一錢水半盞薑五片棗一枚煎三分乳母

倍服若大瀉手足厥冷加附子用驗

陳荳蔻丸治痘疹泄瀉

木香

砂仁

白龍骨

訶子肉

肉蔻麩罌  
各半兩

赤石脂

白礬枯各七  
錢半

右為末糊丸如黍米大一歲三十九三歲百丸溫米飲

下瀉止勿服

痘吐逆

寒熱

痘瘡吐逆無痰益黃散有痰一陳湯或橘皮半夏湯不

止者加丁香若吐而瀉者亦宜益黃散及陳氏木香散異

功散 吐而身熱煩渴腹滿喘大小便澀面赤者當利小便  
便不瘥者宜風散下之全文見大法

痘腹脹

熱 痘 勉奴痘後渴吐急小便少發熱

芍藥分五 川芎分三 白木分五 陳皮分五

乾葛分三 甘草分一 木通分二 水煎服

寄子五歲痘後吐急

白朮錢一 陳皮 木通各分五 犀角

川芎 白芷各分七 甘草分三 水煎服

虛寒 陳文中木香散治痘瘡腹脹渴瀉方見痘渴瀉

實熱 腹滿而喘大小便澀身熱面赤悶亂大吐者當利小便不

瘥者宜風散下之全文見大法

痘腹痛

入 醫學綱目卷三十一 五

痘腹痛多是痘毒當臨證消息

寒 吳店子出痘瘡腹痛

丁香枚二 官桂 芍藥各一錢 白朮

當歸各五分

熱 右作一貼服 常治痘始出腹痛或身痛脈洪數者解

表涼藥加芍藥甘草漸安

痘喘

世 瘡痘出後喘急痰盛宜杏甘湯人參清膈散

表熱 杏甘湯治瘡痘煩喘渴躁

麻黃 桑白皮 杏仁 甘草

右等分爲麤末每服三錢水一盞煎食後服

海瘡疹肺不利紫草甘草枳殼湯

人參清膈散

虛寒

人參 桑白皮 柴胡 當歸

芍藥 知母 茯苓各半 白木

黃芪 紫苑 地骨皮 滑石各一兩半

甘草 桔梗各一兩 黃芩半兩 石膏一兩

右吹咀每服三錢水煎溫服

實藥 痰實壯熱胸中壅悶臥則喘急前胡枳殼湯主之

前胡 枳殼 赤茯苓 甘草各五錢

大黃量兒加減

右吹咀每服三錢水一盞煎六分旋服

喘而腹滿大小便澀者利小便不差者宣風散下之錢氏法

痘出之間或氣促者水香散主之

痘大便秘

虛 海治瘡疹已出未出大便秘澀或時發渴四君子加瓜蒌

醫學綱目卷三

五

根桔梗治之

實 當歸丸

當歸半兩 甘草一分 黃連 大黃各二錢半

先將當歸熬膏子入藥末三味為丸加服之以利為度

海惠變百祥丸治癰疹大便秘結

紅牙大戟去骨一兩 青州棗去核十枚

右用水二盞同煎至水盡為度去大戟將棗焙乾可和

作劑旋丸從少至多以利為度

活洗心散治痘瘡壯熱大小便不利狂言多渴

大黃 甘草 當歸 麻黃去節

白木 芍藥 荆芥各等分

右吹咀量病輕重多少薑薄荷煎溫服則平熱服則澆

雜方 四五日不大便者可用肥嫩豬脂一塊白水煮熟切如

豆大與兒食之令臟腑滋潤瘡痂易落百無碍滯

痘餘毒

診治

痘瘡餘毒或肝虛入眼目或肺虛為癬疥或為癩癧發在骨節腎之虛也發在肌肉脾之虛也或在筋或在頭或在面或牙齒痲蝕或咽喉腫痛各隨經而見皆毒不散蘊積而成或病人始不早治或醫者失治遺於經絡其所由來蓋有自矣宜服解毒等劑

痘毒攻脾則泄瀉身浮攻肝則眼生翳膜攻心則煩躁啼哭攻腎則耳疼膿聚攻肺則咳嗽痰涎

治小兒痘瘡餘毒未散食穀太早補住毒氣

鼠粘子錢六

甘草錢五

犀角錢三

荆芥一

防風錢各一

白木錢三

枳殼錢一

水煎溫服

痘入目

醫學綱目卷三十一

重

丹溪法

如痘傷眼必用山梔赤芍決明歸鬚連翹防風桔梗升麻小劑末之調服如眼無光過百日後血氣完復則自明矣

張翥治瘡疹後毒氣攻眼或生翳膜赤黑之類宜用四物湯加荊芥防風煎服兼用黑豆皮穀精草海蛤甘草等分

為末用熟豬肝切片蘸服神妙一方治痘毒目翳用江西粉黑豆皮甘草蜜蒙花

等分為末調服

痘後生翳數服效用葳靈仙仙靈脾等分洗淨不見火與日為細末每服隨時宜第三次米泔下

錢氏法

錢氏黃柏膏痘初出塗面護眼方見痘調肝散治瘡疹

大盛服之不入眼痘密羊肝散方見活人條

蟬蛻散治癩瘡入眼半年已裏者一月取效

豬羊蹄甲二兩入罐子內蓋泥固封燒存性

蟬殼去土取末一兩

右二味研入羚羊角細末二分拌勻每服一字百日外  
兒一二分三歲三四分漿水或新水調下日三四夜一  
二食後一年已上者不治

治瘡疹入眼

馬屎勃兩半

皂莢子十四粒 蛇皮兩半

右入小罐子內鹽泥封固燒存性研細溫酒調下三錢

食後

治瘡疹入眼或翳

括蔞根兩半 蛇皮二錢

右為細末用羊肝一箇批開入藥末二錢麻線纏定米  
泔煮熟頻與食之兒未能食肝乳母多食之

又方用蟬蛻末以水煮羊肝湯調服二三錢

海藏方  
地黃散治小兒心肝壅熱目赤腫痛生赤翳或白膜遮

入醫學綱目卷五七

吾

睛四邊散漫者尤易治若暴遮黑睛者多致失明宜速用  
此方亦治瘡疹入眼

熟地

當歸各一錢

黃連

大黃煨各一錢

生地去心

木通各半錢

防風

羌活

生犀末

蟬蛻去土

木賊

穀精草

白茯苓

沙苑疾藜已上各一錢

甘草半錢

玄參五分

右為細末每服一字或五分量兒大小加減煎羊肝湯  
食後調下日三夜一忌口將息大人亦治

東垣法

易治

用法  
用竹葉湯和沙糖水化下瀉青丸二丸漸至微利神效  
瘕入眼用決明撥雲密蒙花通聖蛤粉散之類然無出

此書海藏云莫若病狀隨經而取不使毒氣轉入眼中為尤妙然眼有五輪亦當求實此言為失治者說也  
决明散治瘡痘疹入眼海藏云此少陽太陰之劑

决明子 瓜蒌仁各半 赤芍藥 甘草炙各分

右為細末入麝香少許令勻每服二錢生米泔調下臨臥服

撥雲散治瘡痘入眼及生翳用桑螵蛸真者一兩炙令焦

細研搗為末入麝香少許每服二錢米泔調下

密蒙花散治小兒痘瘡入眼及無辜疔氣入眼

密蒙花兩 青箱子 决明子 車前子各一兩

右末拌勻用羊肝一大片薄批摻上濕帛裹煨熟量多

少空心服之錢氏海藏云即羊肝散

通聖散治疹痘瘡入眼及生翳

白菊花如無甘菊代之然不如白菊好 菘豆 穀精草去根兩

入醫學綱目卷三

壹

右為細末每服一大錢柿乾一箇米泔水一盞同煎候

米泔盡只將柿乾去核食之不拘時日三枚日近者五

七日遠者半月取效

蛤粉散治小兒瘡子入眼

穀精草 蛤粉各等分

右為細末每一錢七猪肝一兩許批開摻藥捲了用竹

箬裹麻線縛定水一碗煮令熟入收口斃籠薰眼候温

取食之日作不過十日退

明瘕瘡入眼 大杼壯

痘咽痛

治如聖餅子治小兒瘡疹毒攻咽喉腫痛海藏云隨經此方即是隨經

牛蒡子炒 甘草各一兩 麥門冬去心 桔梗兩

右為末加竹葉同煎細細服之海藏云減門冬竹葉甘桔鼠子湯治咽喉不利

表熱

針灸



鼠粘子湯 消毒飲二方並見前  
痘出不快條

雲 小兒痘出欲透皮膚身熱咽喉不利甘草桔梗升麻湯

甘草兩半 桔梗兩 升麻兩半

右剉細每服一大錢水煎服

血熱

甘露飲子治心熱咽喉痛口舌生瘡并瘡疹已發未發並可服之治熱上攻牙根腫痛動搖

生地 熟地 天門冬心去 麥門冬心去

枇杷葉毛去 枳殼炒 黃芩心去 石斛去苗

甘草炒 山茵陳

右各等分為籠末每服二錢水一盞煎食後溫服牙齒

腫痛則含嗽并服海藏云甘草飲為血劑

田 地黃丸治小兒痘疹口瘡喉腫痛牙疳鼻爛

天門冬 麥門冬 玄參兩三 甘草

醫學綱目卷五

薄荷各一兩

右為細末生熟地黃汁和九櫻桃大每服一丸溫蜜水

化服

痘風

虛實

痘風分氣血虛實以日子守之多帶氣血不足 虛則黃芪生血之劑助之畧佐以風藥 實則白芍黃芩為君

連翹白芷續斷之類為佐若屬寒陳氏方可用

楊氏女年十餘歲痘發不透屬落後骨節痛食少夜間或

熱此餘毒在內虛甚難於疎導須在補中有通此方主之

當歸 白朮各一錢 犀角二分 陳皮一錢

通草 甘草根各三分 牛膝五分 蘇梗三分

右咬咀生薑三片水煎溫服

男子七歲痘瘡初出不透毒氣攻內骨節作痛兩足不可

直癩痕欠紅活脈浮而和小便赤少

婦身

白朮各一錢

陳皮

木通

犀角屑

人參

茯苓各五分

甘草炙

右分二貼煎服

痘癩搗

風火

瘡疹搖由風火相勝也惟癩疹能作搖疹為脾所生脾

疹後因搗成癩

神氣不安因搖成癩癩子為心所生心生熱熱則生風風

屬於肝二臟相搏風火相爭故發搖也治之當瀉心肝補

其母括萎湯主之海藏云諸痛痒瘡皆屬於心火無滯虛

心火相合故用括萎湯若脾土實火旺逆乘而成癩者此

實邪也便結者瀉青丸便軟者瀉青湯亦當以脈別之

括萎湯方見驚風

凡未出而發搖者是外感風寒之邪內發心熱之所作

也當用茶粉下解毒丸犀角地黃湯主之

世治瘡痘欲出身熱煩躁急發驚搖宜驅風膏小如聖飲

小便不通八正散涎盛利驚丸抱龍丸量症施之

世欲發瘡疹先身熱驚跳搖搦此非驚風宜發散藥

世麻痘風搖方

人參

羌活

防風

僵蚕炒

南星薑製

白附薑製

甘草炙

右等分生薑三片水煎服其搗立止

世癩疹病後欲發癩餘瘡難發癩以木勝脾木歸心故也

若涼驚用涼驚丸溫驚用粉紅丸即溫驚丸

痘瘡痛

汚血

世治痘瘡痛用溫驚丸水化下

方見前驚搖條

驚搖條

青木香二

丁香

零凌香

各一麝香一分

白礬兩一

每服四錢水一小盞半煎服之熱盛者加犀角一兩如無犀角以升麻代之輕者一服大效

雜方

又方以芒硝和猪膽塗瘡上令動痂落無癩仍用黃土抹之良此病小便澀有血者中壞瘡背黑腐不出膿者死不療

痘將結腐乾硬而痛宜塗酥潤之腐可揭去則去之如無酥用猪油煎汁代之此痛非服藥可免也

痘膿而不痂

痂居牙切瘡腐曰痂

痘疹膿而不焦此本治失清涼之氣有如五穀得陽氣而成熟非涼風至則不能實也天地嚴肅之氣一加則萬物秀而實矣與痘疹何異奈何經而清涼之或下而成

醫學綱目卷三

五

嚴肅之氣則瘡氣必不至於膿而不痂矣要當知之餘毒不盡而疾作蓋出於此當是清涼飲子下之是也非陽和則苗不秀非嚴肅則秀不實劉涓子訣云痘發如膿窠不肯腐者但調沙糖水與喫劉提點云亦曾試用但後來結癩痕白

雜方

五七日痂不焦是內發熱蒸於外故不得焦痂也宜宜風散導之用生犀磨汁解之必著痂矣

痘已腐未愈之間忽被風邪搏之成疔瘡宜雄黃散綿

黃散治小兒牙齦生疳蝕瘡

雄黃錢一

銅綠錢二

右二味同研極細每用量瘡大小乾貼

綿黃散治小兒因痘瘡身體及肢節上生疳蝕瘡膿水不絕用出蛾綿黃以生白礬搥碎入蠶內令滿炭火燒令白

漿汁盡取出研極細每用乾貼瘡口上

錢凡痘瘡方纔着痂即用菜油不住潤之可揭則揭若不潤及遲揭瘡痂硬即隱成癩痕矣

陳痘痂雖落其癩猶黯或凹凸肉起當用滅癩藥塗之

韶粉冊一 輕粉字一

右研細入煉過猪脂油拌和如膏塗癩上

痘後瘡癩

熱毒

連翹散治小兒瘡疹癰疽疹餘毒作楚或生於頭面耳

疹頰赤生瘡

連翹 黃芩 瞿麥 木通

滑石 柴胡 荆芥 牛蒡子

防風 羌活 赤芍藥 甘草各等分

每服三錢水一盞煎半盞又入生薄荷尤好

醫學綱目卷五

痘癩

實整法

痘癩多是實毒血熱成癩分上下用藥一日不可緩成膿必用清熱涼血為主赤芍藥甘草連翹桔梗之類

上引用升麻葛根下引用檳榔牛膝更助以貝母恐冬草

白芷瓜萎大便燥用大黃寒熱用芩栢此法累效

保木香散治小兒癩後生癩如神

地骨皮冊一 木瓜半 川山甲灸黃三錢半

麝香字一

右為末米飲下二錢

痘癩傳藥用貝母南星殭蚕天花粉寒水石白芷草烏

大黃猪牙皂角醋調傳患處效

中惡

楊小兒神守則強邪不干正若真氣衰弱則鬼毒惡氣中

之其狀卒然心腹刺痛悶亂欲死是也凡中惡腹大而滿診其脈繁細而微者生脈大而浮者死即服蘇合香丸未醒以皂角末搗鼻次服沉香降氣湯加人參茯苓又能辟邪容忤亦宜服

降真香

白膠香

沉香

虎脛骨炙

人參

鬼箭草

草龍膽各五錢

右為末次入雄黃五錢麝香一錢煉蜜丸乳香湯化又

令兒帶及燒臥內尤妙

廣治中惡容忤唾化麝香一錢重研和醋二合服之即瘥

龍腦膏治小兒發熱在心胃卒不知人方見痘黑陷門即活人方

中暑

凡中暑悶倒急扶在陰涼處切忌與冷若得冷即死當

用補藥及熱湯熨臍腹間煖即瘥如無湯即搗熟土壘於臍上仍撥小窩子尿於中可代湯熨之良久嚼大薑一塊

本草綱目卷五

本

以水嚥下續用解暑藥

針灸

甲小兒口中腥臭腸膈氣滿勞宮主之

容忤

湯容忤者小兒神氣軟弱忽有非常之物或未經識見之人觸之或經歷神廟佛寺與鬼神氣相忤也故謂之容忤

亦名中容其狀吐下青黃白色水穀將下時腹痛反倒面變五色其狀若癩但目不上插耳其脈數者是也亦宜服

蘇合香丸并真珠散

藥考

真珠散治容忤驚風鬼疰驚邪痰熱心舍不寧精神不定

心常怔忡睡中驚跳時或咬牙五心煩熱有汗兼喘面赤舌白呵欠煩渴小便赤瀉或吐利黃沫常服辟邪安神

真珠

海螵蛸

滑石各一錢

白茯苓

人參

白附子

甘草炙

全蝎

麝香

腦子

另研各五錢

生珠

另研一錢

金銀箔

金三十片

銀二十片

右末和勻半錢煎燈心麥門冬湯入蜜少許調服日午臨臥各一服

**固**容忤因而驚忤者治法用竈中黃土研二兩鷄子一枚去殼二件相和入少許水調先以桃柳枝湯浴兒後將此

藥塗五心及頂門上

陳無擇法用灶中黃土蚯蚓屎等分如此法塗之

**治**卒容忤噤口不能言細辛桂心等分納口中效

杭州圖書館